



## Landbúnaðarnefnd Blönduóssbæjar FUNDUR – 28. febrúar 2007

Fundur haldinn í landbúnaðarnefnd miðvikudaginn 28. febrúar kl. 17:00 að Hnjúkabyggð 33. Mæting samkvæmt undirskriftum.

### Dagskrá og afgreiðslur:

1. Upprekstur hrossa frá Blönduósi, greinargerð Stefáns Ólafssonar lögmanns. Farið var yfir greinargerð Stefáns þar sem álit hans er að búfjáreigendur á Blönduósi hafi ekki upprekstrarétt og því sé ekki hægt að leggja á þá fjallskilagjald nema sveitarstjórn heimili upprekstur þeirra sérstaklega, sbr. 10. gr. laga nr. 6/1986. Þá væri heimilt að innheimta hjá þeim gjald fyrir afréttarnot.

Landbúnaðarnefnd leggur til að búfjáreigendum á Blönduósi verði heimilaður upprekstur hrossa á afréttarlönd sveitarfélagsins. Þeir greiði hagagjald fyrir þau hross sem rekin eru ár hvert og skulu sækja um áður en rekið er. Hagagjald þetta verður hærra en gjald sem lagt er á stóðhross á lögbýlum enda er það gjald lagt á skv. forðagæsluskýrslum óháð afréttarnotum. Auk þess greiða eigendur lögbýla landgjald til fjallskilasjóðs sem búfjáreigendur á Blönduósi greiða ekki.

Búfjáreigendum á Blönduósi sem nýta afréttinn verður jafnframt gefinn kostur á að taka göngur og komi gangnakaup til frádráttar fjallskilum eins og hjá búfjáreigendum á lögbýlum.

2. Taka stóðhests í Skrapatungurétt síðastliðið haust. Bjarni Stefánsson sýslumaður og Kristján Þorbjörnsson lögregluþjónn mættu á fundinn. Afgreiðsla bókuð í trúnaðarbók.

Þórður Pálsson varð að víkja af fundi fyrir 3. lið, önnur mál.

3. Rafn Sigurbjörnsson oddviti Skagabyggðar mætti á fund landbúnaðarnefndar til að ræða kostnaðarskiptingu sveitarfélaganna varðandi Skrapatungurétt. Fram kom að búfjáfjöldi í Vindhælishreppi hinum forna er heldur minni en í Blönduóssbæ. Auk þess eru 12 dilkar í réttinni merktir bæjum í Blönduóssbæ á móti 9 dilkum í Vindhælishreppi hinum forna. Mun færri fé kemur í réttina frá bæjum í fyrrum Vindhælishreppi enda er stór hluti afréttar þeirra smalaður niður úti á ströndinni. Skagabyggð hefur síðan hafið byggingu réttar á Kjalalandi til að rétta þar fé sem kemur niður á ströndinni. Því hefur Skagabyggð óskað eftir því að kostnaðarskipting sem verið hefur til helminga, verði endurskoðuð og kom Rafn með munnlega tillögu um að Blönduóssbær sæi um 60% kostnaðar og Skagabyggð 40%. Myndi sama skipting gilda um tekjur af réttinni.

Ákveðið var að skoða betur rekstrarkostnað réttarinnar áður en nefndin afgreiddi málið.

*Fleira ekki gert.*

*Fundi slitið.*

Gauti Jónsson  
Þórður Pálsson  
Ragnar Ingi Tómasson

Anna Margrét Jónsdóttir